

西南稀見方志文獻

第四十五卷

中國西南文獻叢書



中國西南文獻叢書
第四十五卷

中國西南文獻叢書·第一輯

西南稀見方誌文獻

第四十五卷



本輯主編：林超民

張學君

王水喬

副主編：高衝 尹波

陳寶生 蕭霽虹

王強

本卷目錄

遵義府志	二	〔清〕黃樂之等修 鄭 珍 莫友芝等纂……………	一
荔波縣志	〔清〕蘇忠廷修 董成烈纂……………	三八九	

遵義府志

【清】

黃樂之等 修
鄭 珍 莫友芝等 纂

遵義府志

二

《遵義府志四十八卷》，清黃樂之等修，鄭珍、莫友芝等纂。本書據民國二十六年（公元一九三七年）劉千俊重刊本影印，原書成品尺寸爲二十二厘米乘十六厘米，版框尺寸爲十七點五厘米乘十二點五厘米。

遵義府志卷三十三

列傳一

孔子言君子疾沒世而名不稱孟子稱一鄉之善士一國之善士士誠善欲無名得乎遵義於古地當一大國捷胚延孕時發菁華雖所就各殊要有不可磨滅為山川張者茲慎者前載嚴覓聞苟詳一節類以序次甄其品別即樹風聲葛洪云託竹帛為世寶斯言至矣後生可畏鄉人先酌邴原如在請薄東家若及圈羊則誠不敢

遵義府志

卷三十三

列傳一

一

舍人

經典釋文敘錄爾雅捷為文學注三卷本

注一云捷為郡文學卒史臣舍人漢武帝時待詔闕中卷隨書經籍志梁有漢捷為文學爾雅三卷亡按前輩言爾雅家皆不詳文學姓名鄉里以釋文本注云捷為郡文學卒史臣舍人若之于郡吏銜下加臣某必其上此注時自題則舍人其姓名也廣韻云舍又姓舍姓別無所見意其所據姓苑諸書必有引注爾雅之文學為證者觀陸氏於注中備錄其銜亦所以備其姓名使人有考其大題不云舍人而云捷為文學者蓋當時此注通如此稱陸雖得其舊本原題

遵義府志

卷三十三

列傳一

二

驟改恐人難即曉故具之注中又諸經疏所引爾雅舊注多直稱舍人曰與孫炎李巡樊光等曰一例愈知舍人為姓名也其鄉里考漢書衡山王傳注如淳曰漢儀注吏四百石以下自除國中又黃霸傳注如淳曰三輔郡得仕用他郡人而卒史獨二百石所謂尤異者也後漢百官志每郡皆置諸曹掾史本注諸曹略如公府曹無東西曹劉昭注引漢官云河南尹員吏九百二十七人百石卒史二百五十人文學守助掾六十八又諸卿下注皆有文學百石又大尉公下本注漢初掾史皆上言之故有秩比命士其所不言則為百石屬其後皆自辟除故通為百石然則文學卒史皆百石也洪适隸釋巴郡太守張納碑陰有文學主事掾文學主事史文學掾文學史四銜繁長張禪等題名有郡文學師隸續末卷無名碑陰亦有文學史此之文學其為主事史與師未可知其聯稱卒史自是當時史員通稱而其秩之為百石固無疑者當時四百石下自除國中則文學必捷為人可知捷為初治營其即營人或他縣人不可考矣若漢書儒林傳稱公孫宏等議治禮堂故以文學禮義為官遷滯請選擇其秩比百石以下補郡太守

遵義府志

卷三十三

列傳一

三

卒史皆各二人邊郡一人不足擇文學掌故補郡屬
 請著功令此之文學既稱繫樞為其為郡曹明甚必
 非如儒林傳所云者不得因彼致疑至陸云漢武帝
 時待詔者文選揚雄甘泉賦序召雄待詔承明之庭
 李善注諸以材術見知直於承明待詔即見故曰待
 詔漢書朱買臣傳詣闕上書久不報待詔公車東方
 朔傳上書自薦令待詔公車枚皋傳上書北闕召入
 見待詔賈捐之傳元帝即位上疏言得失詔待詔金
 馬門王褒傳宣帝時召高才劉向張子僑華龍柳褒
 等待詔金馬門上徵褒至詔褒為聖主得賢臣頌令

與待詔傳會曲說大不然也古人注書結銜之例其
 私成者則曰某官某人其上於朝者則云某官臣某
 人若以舍人為官則是某官臣下又云某官何以解
 耶盧文弨釋文考證云李善注文選羽獵賦引爾雅
 注作郭舍人考漢書東方朔傳武帝初有幸倡郭舍
 人常侍左右注爾雅者疑非此人盧疑之是也武帝
 建元六年始開樞為文學為郡吏必在其後至上書
 待詔尤必多歷年所其非武帝初幸倡無疑洪頤煊
 讀書叢錄云爾雅樞為文學注文選注引作郭舍人
 西京雜記郭威字文偉茂陵人好讀書以謂爾雅周
 公所制而有張仲孝友張仲宣王時人非周公之制
 明矣疑即此人考漢茂陵右扶風縣文學若即茂陵
 郭威則與漢四百石下吏自除國中之制不合又與
 陸氏所書臣舍人之銜大謬且注疏家亦決不譏議
 本經也此緣選注偶誤致起文弨之疑頤煊又緣誤
 注而別求一郭姓者以當之則誤之又誤矣論爾雅
 一書郭景純稱為九流津涉六藝鈐鍵今經歷代注
 疏童習白茫尚難竟業其在豹鼠未辨以前蓋傳授
 楚如矣文學當挾書方除遠能當名辨物首啟潭奧
 非天授為此經大師能如是乎經義考於爾雅舍人

遵義府志

卷三十三 列傳一

五

注稱爲漢儒釋經之始今觀唐宋諸家所引上下卷遺文其章句如菟奚穎凍中鳩爲一物藟藟爲一物椶椶來合棠椶采薪采薪卽薪及毘劉觀鬚與暴樂第離別句皆視孫郭爲確其巽文如謂作彙驥作雞猶作狗鷓鴣作兼兼玃作濯皆先泰最古之本其訓釋如蝮一名虺充訓烏高飛跟蹄訓溷蹄茅者昧之明跳者躍之間多合先漢相傳古義所存雖吉光片羽而前輩多據以證注家之誤蓋其專精之至也當孝武通西南夷初置犍爲繼置牂牁山諸郡其時榛榛狂狂風教睢眡文學以郡人膺學史選詣闕上

書旣挺生古所未臣之地而卽注古所未訓之經其通貫百家學究天人與相如張叔輩上下馳騁同關一代絕詣淑文翁之雅化導道真之北學南中若龔先師斷推文學鼻祖前人數典皆竟忘之故詳著爲人物傳首

盛覽 牂牁人西京雜記司馬相如友人盛覽字長通牂牁名士嘗問以作賦相如曰合纂組以成文列錦繡以爲質一經一緯一宮一商此賦之迹也賦家之心包括宇宙總覽人物斯乃得之於內不可得而傳覽乃作合組歌列錦賦而退終身不復敢言在

遵義府志

卷三十三 列傳一

六

賦之心矣邵遠平續宏簡錄按漢書司馬相如入西南夷上人盛覽從學歸以授其鄉人文教始開尹珍 垂陽國志序志文學荊州刺史尹珍字道真母斂人又南中志明章之世母斂人尹珍字道真以生遐裔未漸庠序乃遠從汝南許叔重授五經又師事應世叔學圖緯通三材選以教授於是南城始有學焉珍以經術選用歷尚書丞郎荊州刺史而世叔爲司隸校尉師生並顯後漢書西南夷傳桓帝時郡人尹珍自以生於荒裔不知禮義乃從汝南許慎應奉受經書圖緯學成還鄉里教授於是南城始有

學焉珍官至荊州刺史

按常志明章當是桓帝之誤考後書奉傳奉曾祖在和帝時爲河南尹已在章帝後奉以桓帝延熹中破武陵蠻功薦爲司隸校尉常氏言珍爲刺史世叔司隸校尉師生並顯可知桓帝時爲是且范書必據常志若本是明章無由作桓帝前後差誤八十餘年也又按漢毋斂縣地在今貴陽都勻二府間說詳沿革門牂牁十七縣考今正安州北有毋斂壩有尹珍宅故址綏陽縣有唐廣明間尹公講堂神當時

遵義府志

卷三十三 列傳一

七

道真遠鄉教授自非一處而沾白鬢人必較他尤
渥唐去漢未遠尚能指其講堂之碣流澤未涸必
非附會又降珍之山郡名以錫見御覽所引十道
志必皆先時重繫教思因地寄慕使然其壩名母
斂宅稱故址事同一科綏陽志入之流寓最是但
又以爲珍州樂源人殊失考蓋由前人景重名賢
唯恐非我邦所有致以唐人州郡強作漢儒鄉里
不知道真開南中之學凡屬牂柯舊縣無地不可
稱先師食鄉社而實事求是正無庸因後人之私
述易古籍之明文致遷就附會如襄陽昌黎之轆

輶不明也今與傅尹二公各按實詳錄雖皆非警
產而風化所由決不容昧故仍謹載更考論以貽
來者
傅 實 尹 貢 華陽國志序志巴郡太守傅實
字紀圖平夷人又南中志云平夷傅實夜郎尹貢亦
有名德應尚書郎長安令巴郡太守彭城相號南州
人士

按通志云實應尚書郎長安令貢應巴郡太守彭
城相誤蓋因南中志書官聯屬強分以屬二人而
未檢序志故也序志於實題巴郡太守是巴守爲

遵義府志

卷三十三 列傳一

八

實官之終則應尚書郎長安令巴郡太守者皆實
貢止爲彭城相無疑也漢平夷縣即今大定府地
夜郎縣在今興義府及安順大定之西南境詳沿
革門牂柯十七縣考
又按貴州通志文學門首列應世叔云牂柯人以
經術辟司隸校尉蓋因誤讀常志不知世叔即應
奉之字致有此謬不足深辨略附及之

謝 恕 華陽國志序志忠義冠軍將軍寧州刺史
謝恕字茂理毋斂人又後賢志侯馥傳王遜議欲遷

牂柯太守謝恕爲涪陵太守出屯巴郡之把口表馥
爲江陽太守住江陽之泚源撫卹蠻獠克復江陵馥
招夷獠繕舟艦爲進取計預白遜請軍移恕俱出涪
陵又南中志永昌元年晉用南陽尹奉爲寧州刺史
南夷校尉威刑緩鈍政治不理咸和八年遂爲李雄
弟壽所破獲南中盡爲雄有惟牂柯謝恕不爲壽所
用遂保郡獨爲晉 按本志云八年奉舉州委官
至撫夷中郎將寧州刺史冠軍 當脫將 晉書載記李
壽遣其鎮東大將軍李奕征牂柯太守謝恕保城
守者積日不拔會突糧盡引還 並新

遵義府志

卷三十三 列傳一

九

按毋斂考見前通志云恕永昌元年為牂柯太守時尹奉為李壽所破又云官至忠義冠軍將軍並誤常志書尹奉為壽所破獲牂柯謝恕不為壽用在咸和八年其前書永昌元年謂尹奉刺寧州之年也且侯劼傳言王遜議遷牂柯太守謝恕為涪陵是孟才既逐遜即以恕守牂柯既又遷之涪陵皆在永昌前也恕至咸和仍為牂柯者意恕遷涪陵後牂柯旋為雷炤董霸等破以降李雄而守牂柯之文猛又為雄執故仍以恕為之也至忠義二字乃常志人物目如文學政事之比其官名止

宋

趙高峯 今桐梓人官至長沙太守元祐八年告歸

勅賜所居名青蓮院著有詩集今亡採新

冉從周 明統志邵人舉進士時呼為破荒冉家歷

官為珍州守有善狀

楊孟奇 今桐梓人征南平有功授奮勇將軍採新

冉璣 冉璞 通志遵義人兄弟俱有文武才辟召皆不赴余玠撫四川築招賢館禮士往謁之禮

遵義府志

卷三十三 列傳一

十

待甚至宋史余玠傳播州冉氏兄弟璣璞有文武才隱居蠻中前後閩帥辟召堅不肯起聞玠賢相謂曰是可與語矣遂詣府上謁玠素聞冉氏兄弟刺入即出見之與分庭抗禮賓館之奉冉安之若素有居數月無所言玠將謝之適為設宴玠親主之酒酣坐客方紛紛競言所長璣兄弟飲食而已玠以微言挑之卒默然玠曰是觀我待士之禮何如耳明日更闢別館以處之且日使人窺其所為兄弟終日不言惟對踞以堊畫地為山川城池之形起則漫去如是又旬日請見玠屏人曰某兄弟辱明公禮遇思有以少裨益非敢同眾人也為今日西蜀之計其在徙合州城乎玠不覺躍起執其手曰此玠志也但未得其所耳曰蜀口形勝之地莫若釣魚山請徙諸此若任得其人積粟以守之賢於十萬師遠矣巴蜀不足守也玠大喜曰玠固疑先生非淺士先生之謀玠不敢掠以歸已遂不謀於眾密以其謀聞於朝請不次官之詔以璣為承事郎權發遣合州璞為承務郎權通判州事徙城之事悉以任之命下一府皆譴然同辭以為不可玠怒曰城成則蜀賴以安不成玠獨坐之諸君無預也卒築青居大獲釣魚雲頂天生凡十餘城皆

遵義府志

卷三十三

列傳一

七

因山爲壘碁布星分爲諸郡治所屯兵聚糧爲必守計且誅潰將以肅軍令又移金戎於大獲以護蜀口移沔戎於青居興戎先駐合州舊城移守釣魚共備內水移利戎於雲頂以備外水於是如臂使指氣勢聯絡明鄒智跋釣魚城志後予嘗觀天下之大勢矣立國於北者恃黃河之險立國於南者恃長江之險而蜀實江之上游也敵人有蜀則舟師可自蜀浮江而下而長江之險敵人與我共之矣由此言之守江尤在於守蜀也元南侵而必自蜀始豈非有見於此歟冉氏弟兄受知余玠而首畫城釣魚之策王堅張

珏且戰且守至死不渝豈非有見於此歟向使無釣魚城則無蜀久矣無蜀則無江南久矣宋之宗社豈待巖山而後亡哉嗚呼當茲城之成也宋無西顧之憂元無東下之路使賈似道能用汪立信之策陳宜中能用文天祥之策下游與上游齊奮內郡與外郡併力天下事未可知也天時不齊人事好乖令人有千古不平之憤

全蜀藝文志

明

楊朝文 今桐梓人官雲南大理同知有政聲

遵義縣

何敏樹 正德中浪跡山水寄興詩歌飄然有出塵

之致著有滄浪孺子集

陳志

王沛 自幼與物無忤至老樂善不倦當播酋虐

焰之時保身遠引特以齒德舉作鄉賓

同上

王其質 明正統間有王壽卿者山西陽曲人由雲

南按察遷四川右藩道播州病殂子瑛葬之播遂家

焉楊氏聘瑛爲師嗣補播州儒學孫世昌爲楊氏總

把官世昌子晟繼之楊氏請於部給冠帶管事是生

材材貌俊偉秀鬚眉人以王梓潼呼之襲冠帶總把

遵義府志

卷三十三

列傳一

三

官性温才敏能決疑獄時有問事無過王總把之謠楊應龍以江外司屬未盡馴化以材爲提調濯甕五里八排地方總管兼制兩司長官任事八年上下恬協是生其質其質觀應龍之虐屢召用不就遂與七大姓謀許奏應龍凶逆狀先挈族避匿龍里以議覆勘未果後其質兩赴京申奏奉旨於重慶與應龍對罪狀兩院壯其氣俠之至萬厯戊戌勦議定庚子春楚將陳璘由涪龍路進師其質以涪甕地舊屬提調至軍前獻策璘令率所管自把土兵爲鄉導進三渡

遵義府志

卷三十三

三

關克青蛇寨戰敗楊珠同破海龍壘六月播平敘功
擬授官其質辭曰向者一夫播虐某等陳顛當守九
死一生情非得已今幸天威掃除某獲保首領攜妻
兒還鄉聞理荒業死瞑目矣更敢希榮寵乎遂歸
休老適黔蜀爭渭河楊相贖戶地界總制王象乾召
知根播民詢決其質趨碁江至東溪卒兄其賓工詩
晚年肆志林泉日與二三耆舊觴詠自適自號秀峰
布衣卒年七十其質孫夢

楊正東 遵義人時楊應龍阻兵淫虐正東糾
被害者赴京告變適應龍贖罪既免殺奏已者正東

棄家潛逃僅以身免通志

黎懷仁 布衣宋昌州刺史得叙後播州改流父朝
邦自四川廣安州來居以詩酒自娛或勸仕辭曰龍
吟為陽秋而伏藏其幽之潛育之繁自教子孫家法
秩然懷仁少氣異讀書志古儒者嘗曰在家不可一
日不以禮法率子弟在國不可一日不以忠貞告同
寮在鄉黨不可一日不以正直表愚俗在官不可一
日不守清慎勤三字凡百所為敬恕而已天啟末水
藺叛總兵楊通霄駐節遵義造請不出為書撫戰守
三策楊從之距所居里許有馮門禪院中多神宿懷

遵義府志

卷三十三

三

仁母問往與話詩文末嘗及宗門一字臨終詩有句
云半學朱元晦其自論甚確弟懷義懷智懷義諸生
性脫略以明末多故溷跡漁樵自號今剩人嘗醉歌
曰功名不值一杯水富貴於我如浮雲臨終彈琴一
曲遂卒懷智官黃岡知縣明亡雜髮為僧號策冒時
丈雪講法禹門因師之後終於虞佛寺葬內江般若
寺中子民忻愛易於來知德弟子胡生盡得瞿塘之
傳官廣西河池同知明亡隱於家母劉年九十五卒
時民忻已七十歲廬於墓側朝夕號慕者數年人稱
白髮孝子卒後從學者私謚文行先生家譜

牟奇 事親以孝聞明末寇亂銳志請纓從經略
楊嗣昌著軍功累官驃騎將軍後閣部王應熊調奇
提師江漢駐守夜郎所在禁剽略招離散賑饑寒全
活甚眾夜郎人德之知國步日艱退居鄉里棠蔭代
忠臣殉節錄

鄧旭 歲貢幼負奇才年十二游泮英姿穎發值
寇僭竊隱居山林屢徵不就矩步前賢誘掖後進通志

程生雲 崇禎時以拔貢授貴州銅仁令循良聲著
歷陞監軍副使世亂解組歸隱居深山屢徵不起賑

恤饑寒教育孤幼孝友之聲風於閭里安

述不衰年八十而終著有求志軒集行世子宗字

德河中四川解元有紫霞山莊集生雲抱負瑰璋風

節稜然居城北十餘里韜光兵燹叢集艱危敦行不

怠力成全璧時以詩古文名書法深入北海殘編剩

紙惜皆零盡今惟書大覺寺佛堂楹榜尚存義弟

生瑞貢生早卒

曾宗孔字心一紀事先本豫章人年十二為諸生

讀論語至古之學者為曰豁然曰格致誠正已事也

修齊治平因之人所以不能者只為耳目口鼻四肢

自利自私耳若以此任之造化而我不有獨主一誠

以立於天地間息息敏息息一便息息誠而明使息

息得孔顏樂處豈不快哉功夫以致良知為主謂人

心本自靈明直須克去已私復其本體無纖毫障礙

自然誠誠即是一故以心一為字經史性理百家諸

書靡不探索精研性純孝每父母忌辰必素服危坐

揮淚終日自喪祖母後即不復赴科舉崇禎時次當

貢太守屢白之不應族間故曰科舉典試者主之猶

近古微辟遺意貢則隣於自薦矣斯何時而期得祿

自養乎終身以道學持躬郡人名為夫子一子庠

生孫四一舉人一副榜一歲貢紀事

李正華字樞實崇禎間拔貢授南江縣訓導攝縣

政二載賢聲四播即為真擢貴州都勻司理年餘告

歸居永安里之蕩遊臺教子課孫城市絕跡喜著練

衣號白衣道人嗜陶詩善飲壽八十卒其自書絕筆

云數十年來清潔士依稀學得晉陶公秋月寒潭無

色相飄然委化返虛空子一官雲南州判紀事陳

志云桐梓人負奇抱異學問淹博

周世祿萬曆丙午科武舉官至總兵陳劉綎揭子

言調兵出關應援有云如漢官周世祿現任守備管

黎雅遊擊事係職舊役曾任遼陽大凌河備禦亦知

敵情况職建南班師時曾以精兵黑老虎阿魯等三

百付彼可調來應用再令隨帶蠻裝軍兵數百及泥

頭一帶東元等歸順夷兵挑選三五百並帶其部下

兵壯或一二千或三千四百務要精選命大河指

揮李日明同州星夜前來職迴環心計此一枝兵尤

堪克敵非漫言也但其人惡動喜靜兼世祿原係播

人恐懷土重遷乞命彼省撫按嚴責速赴毋得干計

推托遂高山萬曆四十六年碑題銜有分守黎雅

遊擊周世祿又崇禎四年碑亦有世祿名題云領兵

援遼遊擊將軍子正參將亦見是碑

袁見龍萬歷已酉科武舉志劉縱揭子言調兵出

關應援有云有加銜守備袁見龍係余溪同音沙地方

人今入威遠衛轄可隨帶本部下漢夷殺手親兵自

備衣甲戰馬或一千或一千五百此一官年方精壯

膂力過人屢科武舉計議熟諳可當一面必不可遺

陳起鸞潮孫官都司崇禎元年奉調督兵柏楊營

遵義道盧安世以屢抗賊鋒授守備明季貴州按察

使防河道胡以烏江失守賊戮黔民令同本里守備

徐登甲招集義勇護道勦賊弟起鳳官總戎起鳴官

遊擊府志

卷三十三

列傳一

七

遊擊家

黎維祚陳啟相撰瀝胆遺事嗚呼終日不見一好

人不聞一好話空過一生殊為恨事詎知好人好語

自不無適不我值耳今年九月望日兀坐無聊有客

見顧登樓語次忽及滇事始末愕然有問旋出而觀

所謂瀝胆公案因相抱哭切齒吳逆恨不得寸磔之

天道恢恢豈不大哉迄於今逆賊以反覆之故伏誅

敬骨先帝之目庶幾瞑乎悲夫客姓黎氏名維祚字

名遠江津人幼不肯竟學惟雜技卜算形家等是航

遭亂轉徙家遵義已亥禽鴛鴦緬時諸爵鎮將各擁

眾拒守維祚憤號泣遍走告以大義皆忻率各密

其中苟苟葳籐等物挾術以行時庚子正月廿二日

也予時寓雞足維祚過訪道其行故心壯而難之一

宿去自是無從問下落矣至辛丑九月十八日抵孟

良府謁晉藩李定國述其艱苦及諸勛志晉藩色動

維祚就破格出諸奏相示晉藩大義之十月六日給

以令諭一道中云今皇上入緬勢已危急若能走通

聲息懋建奇功決不負昔當即為若轉奏時駕在阿

瓦城城左右夾河洪波浩渺相拒五六日程祇聲息

遊擊府志

卷三十三

列傳一

六

通主臣不得見隨奉勅云皇帝密勅瀝胆將軍黎維

祚據晉藩奏爾忠肝貫日義胆渾身穿虎豹趨辰極

烈風勁草殊軫朕懷茲授爾瀝胆將軍督理滇黔楚

蜀通屬諸勛將士山林隱逸等謹慎固防枕戈以俟

候晉鞏兩藩舉師四路策應旦夕是圖勿遲勿忽十

月十五日拜受訖並收空旨百道印三顆造複底小

舟密藏之木刊諸神像擊小鉦鑼有唱以行晉藩大

喜以旌甲擁至通界始改裝返報諸營冬十一月復

入緬復命比至騰越而緬夷已送駕出矣時益孟良

夷謀亂事洩晉藩怒屠之量不可居乃馳約鞏藩白

遵義府志

卷三十三 列傳一

九

文選共攻阿瓦木城七重已破其三夷曰汝不過欲見乃皇帶耳幾年和好一朝背棄何益姑止攻三日當送出否則我亦有變計一任汝為不得已從之閱二日右河船密如木葉內外夾攻兩藩覆沒幾盡自是兩藩分散晉徙他夷所輩謀恢復據騰越馬寶與輩素善詣白營遙呼曰我隻身來說好話者諸軍勿動遂入相見告以密謀言吳願與白合白遂受所給有艾將軍者滿洲人亦懼躍附從相與鑽刀軟血會上由別道亦為緬夷送出居草殿三間白兵環其外吳兵又環之維祚至艾導入見上見維祚大哭

維祚泣曰事今至此臣惟疾奔告諸營整兵於要道接駕上曰兒子爾可致意十王家等若能救我出我只願修行去喫咽不能言手剪御衣一片密寫勅付即行晝夜兼程抵荆侯營謀共於偏橋劫駕復入滇偵探駕已崩於壬寅三月矣維祚呼天搶地恨不即刺刃吳逆之胸狎狂遜去不知所終贊曰匹夫慕義無窮迺其名卒湮沒不克見稱於世者可勝道哉贊維祚事其信矣乎維祚自已亥迄壬寅四年間身無一日得見家足無一日不在路前後三度歷絕域無人之境其生死顛定道即志雖不克竟亦足悲矣

遵義府志

卷三十三 列傳一

十

楊朝相 號岐山原蜀內江縣籍其先避亂入播因家焉明庚申值水藺之變養高林壑子三季希表朋亡西川為流寇僭陷而播受害尤毒鋒鏑之富困苦供億朝相日夕訓子不少休震十三補弟子員自聲諸生間越二年朝相卒歟朝相苦志詩書賑饑寒瘞無主僕婢子女咸婚嫁之庭有義方邵人嘉羨

鄒宗孟 字直方明亡方五歲讀書穎悟有大志順治十五年間偽永歷授知河西縣永歷亡隱於遵義南五十里南面水晚號浪霞老人其題已真云斯

圖也遠觀近視之非人也恐心則否及丙省之否也而竇欲求乎人人於否不否之間微乎危乎可不慎乎因為之贊有不為喜無則可樂於意云何畏惹摸索浮雲蔽空日月難卻面皮塗甚麼指視無從像有著落心以之反招有覲之乍涪魄乃說物云相本無相有相非相非相是相大不相相我有我相焉用彼相時年八十二矣可以想其志趣

正安州 鄭紹業 真州土官嗣子賦性雅淳諸昆弟爭護象相戕業角巾私第倘佯淮水之上以書畫鳴琴自娛

掘斷所居谷口路僅一線不通車馬足跡不履城

鄭規 貞州長官司僕嘉靖間賊困土司規語其

主珪曰主尚之嗣若罹於賊鋒如世系何願以身代

遂著珪衣冠誑賊賊殺之珪得間道逃免並陳志

桐梓縣

令孤遠 天性雅淡不慕榮利惟以行義教化族里

獎善斥惡不稍假洪武間貴州督撫聞其賢欲薦以

官不受布衣考終年彌高而德彌劭云賈志

侯良柱 桐梓人天啟四年以千總援遼有功授參

將後以平奢功由副總兵歷左都督世廕錦衣衛指

遵義府志

卷三十三

列傳一

廿一

揮崇禎間勤王至萬里箐拒賊力戰死桐梓志通明志聯同

史本傳良柱字朝石永寧衛人天啟初累官四川副

總兵討奢崇明父子復遵義城又與參議趙邦清招

降奢質黨安鑿六年五月代李維新為四川總兵官

鎮永寧時崇明敗奔水西與安邦彥合貴州兵數討

不克崇禎二年總督朱燮元遣貴州總兵許成名復

赤水衛崇明邦彥以十萬餘眾來爭成名還永寧賊

追之銳甚良柱偕監軍副使劉可訓出戰小卻成名

等來援賊乃據五峰山桃紅壩越數日良柱乘賊不

備與副將鄧玘等侵早霧迫之賊大潰成名聞山上

呼噪聲亦出賊奔鵝項嶺徑長而狹人馬不能容良

柱玘軍至賊復大敗死者數萬人崇明邦彥與邦彥

黨偽都督莫德並授首俘其黨楊作等數千人積年

巨寇平時稱西南奇捷四川巡撫張論上其功不及

黔將成名等怒言邦彥德乃已部將趙國璽所斬且

崇明猶未死燮元信之奏於朝兵部不能決賈夙不

行御史孫徵蘭言訊俘囚阿癡楊作等咸云邦彥即

時授首灼然非黔兵力帝即命獻俘告廟傳首九邊

川中撫接及御史毛羽健皆訟良柱可訓功詆燮元

燮元疏辯且求去賈遂格不行良柱怨燮元不為用

遵義府志

卷三十三

列傳一

廿一

至與相許奏解職候勘久之御史劉宗祥列上功狀

七年八月始錄前功進良柱左都督世廕錦衣指揮

僉事成名等亦優敘未幾復為四川總兵官八年夏

總督洪承疇大舉討賊令良柱扼賊入川路戰鳳縣

三江口斬首三百七十有奇明年冬賊犯漢中瑞王

遣使乞師良柱督兵援與他將同卻賊十年四月川

中地震者七地鳴者一占主兵賊果入犯陷南江通

江帝切責良柱及巡撫王維章時良柱駐廣元盡召

諸地兵九千有奇分防扼險止餘二千人賊知其勢

弱五月復寇川北維章告急於朝會賊轉掠他所良